

# A1<sup>r</sup>

---

Eine Erfchröckliche

Prophecey vnd Weiffagung Lactantij

Firmiani/ eines fehr gelehrten Mannes/ Welcher gelebt vnd gefchrieben/ wol für zwölff hundert Jahren/ etwan ein drey hundert Jahr nach Chrifti geburt/ Von diefer vnfer jetzigen böfen zeit/ vnd Jüngften Tage/ vnd das derfelbige jetzt nahe/ vnd gleich vor der Thür vorhanden vnd da ift.

Auß der Lateinifchen Sprach ins Deudtfche bracht/ vnd in Druck geben/ Durch Cafparum Fûger/ wonhaftig zu Dreßden.

Lact. 15. Cap.

Im Winter wirds Sommer/ vnd im Sommer Winter fein.

Lact. 16. Cap.

Es werden auch am Himel gefchehen groffe Wunderzeichen/ welche die Menfchen fehr erfchrecken werden / Es werden erfcheinen Cometen/ die Sonn wird verfinfert/ der Mond entferbet werden/ vnd die Sternen werden vom Himmel fallen/ alfo/ das der gantze Himmel ohne alle Liechter fchwartz vnd finfter fcheinen wird.

Anno 1575.

A1<sup>v</sup>

Propheceyung Lactantij Firmiani/  
von den letzten Zeiten.

Lactantius in feinem Lieben  
den Buch/ von Göttlicher belonung/ Das  
ift/ von dem zukünftigen Jüngsten Ge-  
richte/ vnd ewigen Leben/ am 15. vnd 16.  
Capiteln/ Propheceyet vnd weiffaget von  
dieser vnser jetzigen zeit also:

Wenn das Ende dieser Welt herbey kommen  
wird/ vnd sich nahen/ So muß der Standt vnd das We-  
sen aller Menschlichen dinge verendert werden/ vnd wird  
die Boßheit so vberhandt nemen/ vnd alles erger werden/  
das diese zeit/ Nemlich da man geschriben 300. Jahr/  
in welcher die Sünde der Boßheit auff das höchfte kom-  
men vnd gefliegen/ doch in vergleichung/ mit der künfti-  
gen vnheilfamen Boßheit am ende der Welt/ mag fast  
selig vnd gülden geschetzet vnd geachtet werden. Denn  
die Gerechtigkeit wird so feltzam/ vnd das Gottloß wesen/  
Geitz/ böse begierde/ vnd Vnkeufheit/ so gemein werden/  
das alßdenn die Frommen/ den Bösen ein Raub/ vnd an  
allen orten/ von den Vngerechten geplagt werden muß-  
sen/ Nur die Bösen werden Reich vnd vermögen sein/  
Die Frommen aber werden in allerley schmach/ schand/  
vnd armut hin vnd wider vmbgetrieben werden.

Alles Recht wird betrübet/ verworffen/ vnd alle Ge-  
setz verdorben sein/ Keiner wird alß denn etwas haben vnd  
besitzen/ er habe es denn mit gewaltiger Handt an sich  
bracht vnd erlanget/ Auch werden alle ding mit künheit  
vnd gewalt verthediget vnd befeffen werden/ Gewalt wird  
für

A2<sup>r</sup>

für Recht gehen/ Vnter den Leuthen wird alßdenn kein Glaub/ kein Fried/ kein Freundlichkeit/ kein Leuthfeligkeit/ kein Scham vnd keine Warheit gefunden werden/ Man wird für den Böfen an keinem Orth ficher fein/ für inen nirgend ruhe vnd friede haben/ Niemand glaube feiun Nechften/ Niemand verlaß sich auff Fürften/ Bewar die Thür deines Mundes/ für der die in deinen Armen schlefft/ Denn der Sohn veracht den Vater/ Die Tochter setzt sich wider die Mutter/ Die Schnur ist wider die Schwieger/ vnd des Menschen Feinde/ sind fein eigen Haußgefind.

Das soltu aber wissen/ das in den letzten Tagen/ werden grewliche zeit kommen/ Denn es werden Menschen fein/ die von sich felbs haltē/ Geitzig/ Ruhmrehtig/ Hofffertig/ Lefterer/ den Eltern vngehorfam/ Vndanckbar/ Vngeiftlich/ Störrig/ Vnuerfönlich/ Schender/ Vnkeufch/ Wilde/ Vngüttig/ Vorrehter/ Freueler/ Auffgeblasen/ Die da mehr lieben/ Wolluft denn Gott/ die da haben den Schein eines Gottfeligen wemens/ Aber feine Krafft verleugnen sie.

Der gantze Erdboden wird auffrührlich fein/ allenthalben wirds für Krieg brennen/ Alle Völcker werden im Harnisch fein/ vnd wider einander Krieg führen/ Die nechften Stette werden einander beftreiten/ Alßdenn wird das Schwerdt durch die gantze Welt gehen/ alles abmeyen vnd vmbhawen/ gleich wie im Sommer/ zur zeit der Erndten/ das Getreidich abgefchnitten wird/ Solcher verheerung vnd verwüftung des gantzen Erdenkreiß/ vrfach wird diese fein/ Das alßdenn das Römisches Reich/ von welchem jetzund die Welt regiert wird/ Ach mein Hertz erschrickt zu sagen/ was künftigt geschehen

A ij hen

A2<sup>v</sup>

hen fol. Von der Erden wird weg genommen/ vnd das Keyferthumb oder die Monarchy wider in Afiam ver wandt werden/ Der Auffgang wird widerumb herrfchen vnd regieren/ Vnd der Nidergang dienftbar vnd vnter than gemacht werden.

Wie aber folches zukünftig gefchehen werde/ vnd das es niemandt für vngleublich achte vnd halte/ So wil ichs nun klerer darthun vnd anzeigen. Erflichen/ wenn das Römifche Reich wird fehr gemehret/ vnd auff das höchfte geftiegen fein/ vnd deffen größte gewalt/ durch jr viel zu trennet/ vnd in kleine ftück außgetheilet werden/ Denn werden allezeit Bürgerliche vnd Einheimifche Kriege fein/ vnd wird für denfelbigen fchedlichen Kriegen keine ruhe fein/ biß das auß dem Römifchen Reich zehen Könige zugleich kommen vnd auffftehen/ welche den gantzen Erdbodem/ nicht zu regieren/ fondern zufreffen vnd verzeren vnter fich theilen werden.

Diefe durch vnmellige vermehrung des Kriegßvolcks/ vnd vnterlaffung des Ackerbawes/ welchs ein anfang der verwüftung vnd des verderbens ift/ werden auff Erden alles verderben/ zermalmen vnd frefsen.

Denn wird fchnell wider fie auffftehen/ vnd von den eufferftenenden der Erden/ gegen Mitternacht kommen/ ein fehr mechtiger vnd gewaltiger Feind/ welcher jr drey auß derer zal/ fo auff diefe zeit Afiam innen haben vnd befitzen werden/ vertilgē/ von den andern in jre Gefelſchafft/ vnd zu eim Oberften Fürften aller/ wird erwehlet vnd verordnet werden.

Diefer wird mit folcher gewalt/ die nicht auffzuhalten ift/ den gantzen Erdenkreiß plagen/ Göttliche vñ Menſchliche ding in einander brewen vnd mengen/ Solcher ding die nicht zufagen find/ vnd durch welche Gott geleftert.

wird//

A3<sup>r</sup>

wird/ sich vnterfthen/ in seinem Hertzen neue Rathschle gehalten/ jm selbft ein eigen Reich vnd Monarchy anzurichten. Er wird die Gesez verendern/ vnd seine an dert statt stellen vnd ordenen: Er wird schenden/ zureiffen/ verwüften/ rauben vnd würgen.

Darnach wenn er den Namen seines Reichs verendert vnd verfetzt hat/ wird folgen eine Verheerung vnd betrübung des gantzen Menschlichen Geschlechts.

Es wird alßdenn/ so ein verfluchte vnd grewliche zeit sein/ das einem die luft zu leben vergehen wird/ Es werden Stedte zu grunde vmbgekeret vnd verderbet werden/ nicht allein vom Schwerdt vnd Feuer/ Sondern auch durch hefftige groffe Erdbebung/ Ergießung vnd Außlauff der wasser/ viel sterben vnd stetige thewung. Man wird hören von Kriegen vnd Kriegßgeschrey/ Es wird sich ein Volck vber das ander empören/ vnd ein Königreich vber das ander/ Vnd werden geschehen Erdbeben hin vnd wider/ Vnd wird sein thewre zeit vnd schrecken/ Das ist der noth anfang.

Die Luft wird vergiftet/ vnd Pestilentz verurfacht werden/ Auch jetzt von wegen vnzeitiger Platzregen/ jetzt von wegen schedlicher durre/ jetzt von wegen zu groffer kelte/ jetzt von wegē vnmeßiger hitze/ wird die Erde ihre fruchte nicht geben/ Die Saat wird vmb sonft sein/ die Beume vñ auch die Weinstöck werden nichts tragen/ ja wenn sie schon in der Blüth sich höfflich erzeigen/ so wird doch die Frucht dergleichen nicht folgen.

Die Brunnen sampt den Waffern werden außdrucken/ das es auch am trincken mangeln wird/ Das Wasser wird entweder in Bludt/ oder in vnleidliche bitterkeit verwandelt werden.

A3<sup>v</sup>

Von des wegen werden verſchmachten auff Erden/  
die Vierfüßigen Thier/ in Lüfften die Vögel/ vnd im  
Meer die Fiſche.

Es werden auch am Himel geſchehen groſſe Wunder=  
zeichen/ welche die Menſchen fehr erſchrecken werden/ Es  
werden erſcheinen Cometen/ die Sonn wird verfinſtert/  
vnd der Mond entferbet werden/ Auch die Sternen wer=  
den vom Himmel fallen.

Ferner/ ſo werden dieſe dinge geſchehen/ nicht ge=  
breuchlicher weiße/ Sondern ſchnell vñ vnuorſehens/ wer=  
den erſcheinen ſolche Geſtirn/ die zuuor nie erkandt/ noch  
von Menſchlichen augen ſind geſehen worden/ Die Son=  
ne wird ftets kolfchwartz ſcheinen/ das man zwifchen Tag  
vnd Nacht/ kaum ein vnterſcheid wird machen können.  
Der Mond wird nicht allein nur drey ftunden verfinſtert  
werden/ fondern wird ftetigs Blutroth ſcheinen/ Auch lei=  
nen gewöhnlichē lauff verlaſſen/ das ein Menſch den lauff  
der Geſtirn/ oder die gelegenheit der zeit/ nicht wol wird  
erkennen mögen/ Jm Winter wirds Sommer/ vnd im  
Sommer Winter ſein.

Denn wird das Jar verkürtzt/ die Monden geringert/  
vnd die Tage eingezogen werden/ Offt werden die Ster=  
nen vom Himmel fallen/ das der gantze Himmel ohne al=  
le Liechter ſchwartz vnd finſter ſcheinen wird.

Die höchſten Berge werden einfallen/ vnd dem ebnen  
gleich gemacht werden. Auch wird das Meer die Schiff=  
fart nicht mehr leiden wollen.

Vnd das ja dem Menſchen auff Erden/ am böſen  
nichts mangle/ So wird ein Pofaun vom Himmel ge=  
höret werden/ welche wie Sybilla geweiffaget/ gar ein  
trawrigen vnd kleglichen Gefang Pofaunen wird/ Der=  
wegen

A4<sup>r</sup>

wegen werden alle Menſchen [obere Kante abgeschnitten]  
folchem kleglichem vnd trawrigem gethôn.

Denn wird durch den Zorn Gottes wider die Menſchen welche Gottes Gerechtigkeit nicht erkennen haben/ müten vnd ſie vertilgen/ Schwerdt/ Fewer/ Hunger vnd Sterben/ Zu dem werden ſie in ſtetter furcht ſtehen. Sie werden Gott anrufen/ Aber er wird ſie nicht erhören/ Man wird des Todes begeren/ er aber wird nicht komen/ Ja auch die Nacht wird niemandt tröſten/ oder von der Furcht entledigen. Kein Schlaf wird zu den Augen ſich nahen/ Sondern durch vnableffige Sorge vnd wachen/ werden die Leuthe gepeiniget vnd außgemergelt werden/ Sie werden weinen/ heulen/ vnd zeenklappern.

Die Todten/ vnd welche geſtorben ſind/ werden felig gepriefen/ Die Lebendigen aber beweinet werden.

Durch dieſe vnd andere Vbel mehr/ wird eine Wüſte werden auff Erden/ Ja der gantze Erdenkreiß/ wird vngeſtalt vnd gar verwüſtet werden/ Wie auch Sybilla hievon geweiffaget hat/ Da ſie alſo ſpricht:

Die Welt wird ein Vnweit werden/ darumb das die Menſchen darinnen ſterben/ verderben vnd vmbkommen werden/ Denn das gantze Menſchliche geſchlecht wird alſo allgemacht werden/ vmbkomen vnd ſterben/ das kaum der zehende Theil vberbleiben wird/ Vnd wo zuuor Tauſent gewohnet/ ſollen alß denn kaum Hundert gefunden werden/ Auch von den Dienern Gottes/ werden zwey Theil verderben/ vnd nur der dritte Theil/ nach dem bewert worden/ wird vbrig gelaffen werden.